

# Dischequilibrà, ma betg manipulà

Profil cun Urs Cadruvi: Il Cussegl dal public SRG.R prenda posiziun

■ **(cp) Manipulà u betg? Questa dumonda è stada en il center da las discussiuns da la terza tschentada 2017 dal Cussegl dal public SRG.R ils 13 da settember. Il «Profil» cun Urs Cadruvi dals 20 da matg ha chaschunà differents emoziuns e reacziuns.** Plinavant ha il Cussegl dal public tractà l'emissiun da radio «Profil» en general, l'emissiun d'infurmaziun da stad da la Televisiun Rumantscha «sil punct», e las novitads regiunalas online.

## Profil – emissiu emnla en il Radio Rumantsch

«Profil» è dapi onns in'emissiun da tschep dal program da radio dad RTR. Mintgamaì la sonda avantmezdi vegn ina persuna purtretada aifer 40 minutas d'ina moderaturA entras in'intervista che munta il fil cotschen per preschentar la persuna e sia vita. Ina part integrala da l'emissiun è musica tschernida dal giast. Da las ovg emissiuns tadladas da la gruppa da lavur èn set «Profils» stads da moda usitada. L'emissiun è interessanta ed ils protagonisti stattan e restan en il center. La furma è constanta e solida e correspunda a quella dals ultims onns. Differenzas datti tar la moderaziun, nua che la gruppa ha constatà divers nivels da qualitad. Chatter e perseguitar il fil cotschen dal discours senza sa repeter, cunzunt en la fasa finala «chavazzins», na vegn betg adina ademplì. Mantegnair la survista a moda rutinada è indispensabel, gist sin quest sector.

## Profil dals 20 da matg cun Urs Cadruvi – dischequilibrà, ma betg manipulà

Undas nunusitadas ha bittà il «Profil» dals 20 da matg cun *Urs Cadruvi*, anteriur secretari general da la Lia Rumantscha. Il Cussegl dal public ha perquai tractà quest Profil separà. I ha dà ina discussiun extendida e fundada cun puncts da vista divergents. Ina gronda part dal Cussegl dal public è stada da l'opiniun ch'il Profil saja bain stà nunusità en sia

furma, quai tant nà da l'intent da l'emissiun sco era dal stil da moderar. Dentant è il Profil cun Cadruvi vegnì giuditgà sco betg manipulà. Singulas persunas avevan numnadamain rinfatschà ad RTR d'avair laschà manipular dals adversaris da Cadruvi. Ord vista dal Cussegl dil public SRG.R avessan ins dentant già da communitgar avant u schizunt durant l'emissiun davart ina midada da furma da quest Profil. Quai avess franc creà chapientscha empè da trumpadas tar ina part da l'auditori.

## «Sil punct» – emissiu d'infurmaziun da la Televisiun Rumantscha

Er questa stad ha «sil punct» infurmà sin SRF 1 durant dus mais davart las actualitads. Ils resultats d'observaziun èn ordvart positivs e las remartgas da l'onn passà han fatg effect. La gruppa observanta dal Cussegl dal public ha constatà plirs meglieraments en paregl cun l'onn passà. Tranter auter la lunghezza da l'emissiun, la relevanza da las contribuziuns varianzas e la moda e maniera da moderaziun. La gruppa da lavur atesta oravant tut a las moderaturas ed als moderaturs aura qualitad, autenticità e buna empatia. La gruppa observanta giuditgescha l'emissiun «sil punct» sco pli lucca e divertenta ch'il «Telesguard». Tenor la gruppa pudess l'emissiun schizunt cuzzar pli ditg che quai ch'igl è actualmain il cas. La convergenza cun l'internet e las raits socialas per far attent sin l'emissiun è necessaria e nizzaivla, po dentant vegnir curregida cun malets da basa anc pli espressivs. Schebain i vegn a dar la stad 2018 ina cuntinuaziun da «sil punct» n'è anc betg decidì.

## Novitads regionalas sin rtr.ch

Ina terza gruppa ha prendì sut la marella las novitads regionalas sin rtr.ch. La clera structura da la pagina d'internet gida il visitader da chatter svelto quai ch'el tschertga. Er infurmescha RTR a moda exemplarica e svelta da tuttas novas regiu-

nalas, en spezial ord terra rumantscha, insatge unic en il Grischun che vegn apprezzà ed utilisà da blers pliras giadas a di. La gruppa deplorescha ch'i na dat betg la pussaivladad d'infurmar ils visitaders da la pagina cun in'opziun da «push» davart novitads urgentas. RTR è conscient da questa mancanza, ina app specifica RTR, che pudess schliar quest fatg, na vegn dentant betg a dar il proxim temp. RTR vegn dentant a rinforzar l'actività da newsletters. Emprimas experientschas èn stadadas ordvart motivantas.

## In sguard en il futur

Il Cussegl dal public ha tschernì trais novs temas per la seduta dals 22 da november 2017: Co ha RTR rapportà davart las boas da Bondo, co plascha il project surredacziunal «HelveCHia» e co gartegian videos cun tun e text publictgads online? En sia seduta finala da l'onn 2017 festivescha il Cussegl dal public SRG.R ses giubileum da 25 onns existenza.

## Tschertgà nova fatscha

Cun l'entschatta november banduna *Ursina Haller* il Cussegl dal public SRG.R. Ad ella admetta il president en il num da tut las commemoras ed ils commembers da quest gremi in grond engraziament e buns giavischs per il futur. Sia successiun vegn reglada enfin l'entschatta 2018.

## Infurmaziuns davart il Cussegl dal public SRG.R

Il Cussegl dal public è in gremi consultativ independent ch'accumpogna la lavur ed il svilup dal program dad RTR Radio-televisiun Svizra Rumantscha cun constataziuns e propostas. Il Cussegl dal public sa raduna per regla quatter giadas ad onn. El observa singulas purschidas da program, emissiuns ed offertas online dad RTR. Il Cussegl dal public SRG.R procura per in stretg contact tranter ils responsabels dal program ed il public. El fa cumpona da 15 commembers.